

BERITA HARIAN, JUMAAT, 16 JULAI, 1982

Terima kasih PLO pada Malaysia

**KUALA LUMPUR, Kha-
mis** — Pertubuhan Pem-
bebasan Palestin (PLO)
hari ini mengucapkan
terima kasih kepada
Kerajaan Malaysia atas
sokongan kuat yang
diberinya terhadap per-
juangan Palestin.

Wakilnya di Malaysia,
Encik Abdul Moneim Is-
mail berkata, PLO
menghargai sokongan
itu, lebih-lebih lagi da-
lam keadaan yang
dihadapi oleh PLO dan
rakyat Lebanon
berikutan serangan Is-
rael terhadap Lebanon.

Encik Abdul Moneim
berkata demikian ketika
mengunjungi Perdana
Menteri, Datuk Seri Dr.
Mahathir Mohamad di
sini hari ini untuk
mengucapkan selamat
tinggal.

Wakil PLO itu juga
memberi taklimat
kepada Perdana Menteri
mengenai per-
kembangan terbaru di
Lebanon.

Encik Abdul Moneim
yang menjadi wakil PLO
di sini sejak tujuh tahun
lalu berlepas pulang Sab-
tu ini.

Kerajaan Malaysia
memberikan kedudukan
diplomatik sepenuh
kepada wakil PLO dan
pejabatnya di sini awal
tahun ini. — Bernama.